

Primum omnes optant; vt quò longius quilibet orbis abest à medio, tantò tardiori motu incedat. Nihil enim rationi magis est consentaneum, teste Arist. lib. 2. de Cœlo cap. 10, quām κατὰ λόγον γίγνεσθαι τὰς ἐκάστης τοῖς ἀποσύμματοι. Quo loco etsi Philosophus alienam affert ab instituto nostro rationem alteram, scilicet impedimentum ab occurratione pernicissimi primi mobilis: tamen & altera ratione pro me adhuc, & totā sententiā contra Ptolemaicum, contraquę seipsum militat. Placet illi namq; motus æqualitatem à motoribus in omnes orbes venire: inæqualitatem redditus ab orbibus ipsis causari: vt, Saturni quidem quilibet particula tam sit velox, quām est infima Lunæ sphæra, vi motionis æqualis; sed illi iam accidat, vt amplius nacta spaciū, cum non citior sit cæteris, tardius redeat. Atque viliori hac æqualitate Philosophus in veterum traditione potiri non potuit: quia necesse erat, vt tribus Planetis inæqualium orbium, Soli, Veneri, Mercurio æquales redditus tribuerent, atque sic semper superiorem in orbe suo citatiorem efficerent inferiori. In Copernico prima fronte talis offert sese proportio. Nam sex orbium mobilium semper qui angustior est, citius reddit. Mercurij namque cursus trimestris est, Veneris sesqui-octo mensium, Terræ annuus, Martis bimus, Iouis duodecim, Saturni triginta annorum. Verùm si ad calculos reuoces, ita vt quanta est proportio motus Saturni ad ambitum orbis, siue ad distantiam (eadem enim est proportio circulorum, quæ semidiometrū) tantam etiam facias proportionem cæterorum motuum cuiusq; ad suum orbem: deprehendes eiusmodi simplicem proportionem non habere locum. Cuius rei cape hanc tabellam indicem.

	b	Dies scr.	4	Dies scr.	♂	dies scr.	Terra	♀	dies scr.	☿	di. sc.
b	10759	12									
4	6159		4332	37							
♂	1785		1282		686	59					
terra	1174		843		452		365	15			
♀	844		606		325		262	30	224	42	
☿	434		312		167		135		115		87 58

Hic capita columellarum continent dies & dierum scrupula qui-